



Please paste the barcoded
label here

TOTAL
MARKS

INTERNATIONAL SECONDARY CERTIFICATE EXAMINATION
NOVEMBER 2023

SISWATI LULWIMI LWEKWENGETA: LIPHEPHA I
SISWATI ADDITIONAL LANGUAGE: PAPER I

EXAMINATION NUMBER

--	--	--	--	--	--	--	--	--	--	--	--	--	--

Sikhatsi: 2½ Emahora

Emamaki: 100

TICONDZISO

1. Leliphepha linetigaba letine nemakhasi la-22.

2. Landzela ticondziso taleso naleso sigaba.

SIGABA A: SIVISISO

SIGABA B: SIFINYETO

SIGABA C: TINKONDLO

SIGABA D: TAKHI NETIMISO TEKUSETJENTISWA KWELULWIMI

3. Phendvula yonkhe imibuto ngeSiswati lesemukelekile.

4. Imibuto ayiphendvulwe kulo leliphepha lemibuto.

5. Caphela sipelingi (lupelomagama) nendlela lekwakhiwa ngayo imisho.

6. Kunelikhasi linye lelengetiwe (likhasi-22) ekugcineni kwaleliphepha. Uma uphelelwa sikhala sekubhala ungalisebentisa lelikhasi lelengetiwe. Khombisa ngalokusobala umbuto lowuphendvulako uma usebentisa lelikhasi lelengetiwe.

FOR MARKER'S USE ONLY

Question	1		2		3		4		5		Total	
	Marker	Mod.	Marker	Mod.	Marker	Mod.	Marker	Mod.	Marker	Mod.	Marker	Mod.
Mark												
Signature												
Total	30		10		10		20		30		100	

SIGABA A SIVISISO**UMBUTO 1**

1.1 Fundza lethekesthi bese uphendvula imibuto lelandzelako.

ITHEKSTHI A**BABOSHELWA TINCWADZI LETIKHISHWA NGEMGUNYATI KUBODOKOTELA**

Iyandza kantsi futsi iyandlondlobala imakethe yekutsengisa tincwadzi letikhishwa bodokotela letingekho emtsetfweni ngenca yenkhohlakalo. Loku kuvetwe ngusihlalo wenhlangano yabodokotela, i-South African Medical Association (SAMA) longudokotela Mvuyisi Mzukwa. Mzukwa utsite tigateko letiningi letibikwe ngumkhandlu wetisebenti tetemphilo, i-Health Practitioners Council South Africa, tekuboshwa kwebantfu labatsengisa tincwadzi tabodokotela ngalokungekho emtsetfweni. Kulamaviki laphelile kuboshwe umuntfu lobekatsengisa tincwadzi takadokotela nge-inthanethi asebentisa ligama lalomunye dokotela. Incwadzi ngayinye bekayitsengisa nga-R150.

Siphila eveni lapho bantfu batsandza inkhohlakalo. Asikho sigulane lesingaya kudokotela waso sifike sicele kutsenga incwadzi. Incwadzi sigulane siyitfolo ngobe dokotela utsite ngalesikhatsi asihlola wabona kutsi sigulane ngeke sikwati kuya emsebentini nekutsi sisebente. Loku kuvula ematfuba alabo labafuna kwenta imali ngendlela lesheshako kanye nalabo labangatsandzi kuya emsebentini. Labo labatsenga letincwadzi batitsenga bati kamhlophe bha kutsi lomuntfu labatsenga kuye letincwadzi akasuye dokotela kodvwa benta loko ngoba nabo bafuna kwenta bugebengu. Labanye banika tigulane emalanga lamanyenti langakafaneli kutsi ngabe sigulane siyawatfolo. Lokubi ngalokutsengiswa kwaletincwadzi kutsi nemnotfo uyatsintseka ngoba sisebenti lokufanele ngabe sisemsebentini siyasebenta siniketwe incumbi yemalanga ekuhlala nje ekhaya singenti lutfo.

Bacashi kufanele bacaphele letincwadzi letibuya kubodokotela. Umcashi unelilungelo lekufona abute kutsi ngabe dokotela wasibona yini lesigulane ngalelilanga lelibhalwe kulencwadzi noma angeke akwati kubuta ngesifo lebesimphetse lona wekunene. Umcashi ngalesinye sikhatsi angatiyela matfupha kuyawutfolo kutsi nangempela sisebenti besigula na?

Uma ngabe kwenteka kutsi kunadokotela losetjentiswa tisebenti letiningi, kumele atfumele labatawuya kuyobuka kutsi lodokotela unjani ngobe kungenteka kutsi lodokotela ngudokotela mbumbulu. Umcashi kufanele ayibukisise lencwadzi ngoba labanye basebentisa incwadzi lendzala babese bacisha imininingwane lendzala lake wayibhalela lesigulane. Labanye babuye bagucule nalelilanga, inyanga kanye nemnyaka. Lokucakako kutsi ngalesinye sikhatsi sigulane siyanikwa emalanga langu-18 ngekutsi siphetfwe ngumkhuhlane nje kuphela. Uma umcashi ashayela dokotela atsi akamati nekumati umuntfu lonjalo. Lomkhuba awentiwa kubodokotela labatimele kuphela kodvwa uyentiwa nakubodokotela labasebentela umbuso, kusetjentiswa titembu tahlumende kungcivitwe leto tincwadzi.

[Phili Mjoli: 16 Imphala 2022]

1.1.1 Ngabe labantfu labatsengisa letincwadzi tabodokotela batibita malini?

(1)

1.1.2 Bhala tintfo letimbili umcashi langatenta uma asola kutsi lencwadzi lefika nesisebenti kungenteka itsengiwe.

(2)

1.1.3 Ngekubona kwakho yini lokubangela bantfu bangayi emisebentini ikakhulukati ngeMsombuluko?

(2)

1.1.4 Bhala tindlela letimbili bantfu labatsengisa letincwadzi mbumbulu labatisebentisako kute tibonakale kwangatsi tibuya kubodokotela mbamba.

(2)

1.1.5 Nguyiphi indlela lekufanele sigulane siyisebentise kute sitfole incwadzi lesemtsetfweni kutsi sihlale ekhaya? Bhala emaphuzu lamabili.

(2)

1.1.6 Kungumbono noma kuliciniso kutsi lomkhuba wekutsengiswa kwetincwadzi wenteka kubodokotela labatimele kuphela? Chaza.

(2)

- 1.1.7 Bhala tintfo letimbili letenta bantfu kutsi batsengise labanye babuye batsenge tincwadzi mbumbulu.

(2)

- 1.1.8 Ngekusho kwalesicashunwa mangaki emalanga langenta kusolise nanikwa sigulane lebesikadze siphethwe ngumkhuhlane?

(1)

- 1.1.9 Ngekubona kwakho ngutiphi tinyatselo lekufanele titsatselwe bodokotela labatsengisela tigulane tincwadzi?

(2)

- 1.1.10 Nguyiphi indlela yetekuchumana lebhaliwe kuletheksthi leyasetjentiswa ekutsengiseni letincwadzi?

(2)

- 1.1.11 Ngabe ufanele yini umcashu kutsi abute kudokotela kutsi ngabe sisebenti sakhe besigula yini? Sekela imphendvulo yakho.

(2)

[20]

1.2 Fundza lesibonwa bese uphendvula imibuto lelandzelako.

ITHEKSTHI B SIBONWA



1.2.1 Bhala timbili tintfo bantfu labatisebentisako ekungcoliseni emanti.

(2)

1.2.2 Ngekubona kwakho kuyingoti ngani etilwaneni letihlala elwandle nasemifuleni nangabe emanti angcoliseka? Chaza.

(2)

1.2.3 Emanti alusito ngani ebantfwini? Bhala kubili.

1.3 Fundza lesikhangisi bese uphendvula imibuto lelandzelako.

ITHEKSTHI C SIKHANGISI

UTAWUHLALA UNGUMCEMANE

Uma ungafuni kuphindze ugule tsenga nankha emawolintji lashiphe kwendlula onkhe emhlabeni. Ahlanyelelwe bantfu lababutsakatsaka emtimbeni. Ungadla wona tifo titawudlalela ekudzeni nawe. Ungadla linye likuvikela kuto tonkhe tifo letabangelwa i-Covid 19. Angete futsi wabadzinga bodokotela. Hlala ungumcemane njalo imphilo yakho yonkhe. Atfolakala etifundzeni letimbili kuphela.

Liwolintji linye libita imadlana lencane nje. Lekungaba ngu-R40.00. Buya utsenge asengakapheli.

[Sicanjiwe: Siboniso Ngomane]

1.3.1 Lesikhangisi sicondziswe kubantfu labanjani?

(1)

1.3.2 Ngekubona kwakho ngubuphi buhle bekudla emawolintji ebusika? Bhala bunye.

(1)

1.3.3 Kubangelwa yini kutsi lona lokhangisako abhale lemali ngemagama lamancane?

(2)

[4]

30 emamaki

SIGABA B**SIFINYETO****UMBUTO 2**

Fundza lethekesthi lelandzelako bese uyayifinyeta **ngemagama akho langengci kula-70 uvete loko lokufanele ukwente kute uvikele tilwane takho kutsi tingahlaselwa sifo sashukela.**

TICONDZISO TEKUFINYETA**CAPHELA**

1. Sifinyeto sakho asibe ngendlela **yemaphuzu lasihlanu.**
2. Veta emaphuzu lasihlanu laveta loko lokufanele ukwente kute uvikele tilwane takho kutsi tingahlaselwa sifo sashukela.
3. Caphela kutsi lulwimi lwakho lungabi nemaphutsa kute ungalahlekelwa ngemamaki elulwimi.
4. Sebentisa timphawu tekubhala nekufundza.
5. Bhala linani lemagama lowasebentisile ekugcineni kwesifinyeto sakho.

ITHEKSTHI D**SIFO SASHUKELA NASETILWANENI**

Kutivocavoca akukabaluleki ebantfwini kuphela kodvwa nasetinjeni nasemakatini kubalulekile kute tingahlaselwa sifo sashukela. Tilwane lotifuye ekhaya kubalulekile kutsi utinike kudla lokunemphilo. Nangabe ungakwenti loko tilwane lotitsandzako tingahlaselwa sifo sashukela tiggcine setitimpumputse.

Labasebenta ngetilwane kantsi futsi banelwati lolujulile ngato batsi lesifo lesivame kuhlasela bantfu, siyahlasela nasetilwaneni. Loko kubangwa kudla lesitinika kona. Celeste losebenta ka-SPCA eJozi utsi lucwaningo luvete kutsiinja yinye kuletingu-500 inematfuba lamanyenti kutsi ihlaselwe ngulesifo sashukela. Uphindze watsi likati linye kulangu-200 nalo lingahlaselwa ngulesifo.

Uphindze wabuya wangeta watsi ngalokwetayelekile tinja nemakati kungenteka tihlaselwe ngulesifo natineminyaka lephakatsi kulesishiyagalombili kanye naleyimfica. Utsite kufanele kucinisekiswa kwekutsi letilwane tingakhuluphali ngalokundlulele. Ubuye watsi tinja letinsikati ngito letihlaselwa ngulesifo kwendlula letindvuna. Ugcizelele ekutseni tilwane takho akukafaneli tinikwe kudla lokunemafutsa kakhulu ngoba loko kungabanga kutsi tibe nemitimba lemikhulu.

Utsite tinja letiphetfwe sifo sashukela tingaphila sikhatsi lesidze uma tinikwa kahle imitsi yokulawula lesifo sashukela. Ubuye watsi kubalulekile kutsi tilwane tihambahambe, tinyakatise umtimba tingahlali ndzawonye. Luhlobo loluvamile lolutfolakala etinjeni i-type 1 kantsi emakati wona akanikwa imitsi kantsi nawo asuka ayidzinga lemitsi.

Njengasebantfwini lesifo siyavikeleka futsi sibuye silawuleke emakatini nakuto tinja uma tingamikiswa kudokotela wetilwane kute tiyohlolwa. Lokubaluleke kakhulu ngukutsi kufanele ubuke kutsi tilwane takho tidla ini. Uma tilwane takho setingenwe ngulesifo kufanele utiyise kadokotela ngaso sonkhe sikhatsi kute tiyohlolwa kutsi konkhe kusahamba kahle yini.

[Phili Mjoli:10 Lweti 2022]

[illegible]

PHENYA

SIGABA C TINKONDLO**UMBUTO 3 INKONDLO LENGAKAFUNDVWA EKLASINI**

CAPHELA: Kuphocelekile kutsi wonkhe lohlolwako awuphendvule lombuto.

Fundza lenkondlo bese uphendvula imibuto lelandzelako.

NGISITIMELA SEMALAHLE

- 1 Ngakha bungani nemasok'emanyala
- 2 Alalisa lulwimi asike likhasi nge Z-3,
- 3 Ayilime insimi angakalifaki lijazi lemkhwenyana,
- 4 Ngife luhleko ngibona tilima titilimata,
- 5 Ngibatsi laphalati, ngitsi atilime tiy'etjeni!
- 6 Ngingematse nelulwimi nebuphuya nenkengane,
- 7 Ngingena ngelinceba, ngidle ngesutse,
- 8 Ngibasoma basemahhositela ngibange basemahhotela.
- 9 Tintjwebe letingondli imindeni nabodali emakhaya
- 10 Tingisita kushiyelana ligwayi nebesifazane
- 11 Labachwandzela emachwane abo kulelive.
- 12 Ngitfumbeleta nabo njalo mine Magaya ...
- 13 Hheyi nine lapho
- 14 Mine sengikhatsele kunyinyitseka nginichitsa.
- 15 Ngiyekeleni lamadlabha lawa!
- 16 Sengivela bona bantfwana benu
- 17 Kanjalo nalababhocwa ngebubendze bangakayidli inyama!
- 18 Oh! Konje nitsi tifa ngamvu yinye?
- 19 Hhawu nebakitsi kulele kunye ...
- 20 Noko-ke kukuwe KUTIKHETSELA!
- 21 Njengobe senginivulele sifuba sami nje,
- 22 Vulani tingcondvo nintjintje kwenta kwenu.
- 23 Ningandzi ngemlomo!
- 24 Ntjintjani similo nintjintje lunyawo:
- 25 Kwakho akube kwakho KUPHELA
- 26 MHLONIPHENI umzala wami Ntsandvo!

3.1 Hlobo luni lwemvumelwano lolutfolakala kunayi imigca lengentasi?

'Ngingematse nelulwimi nebuphuya nenkengane,
'Ngingena ngelinceba, ngidle ngesutse,'

(1)

3.2 Bhala bunkondlo lobakhiwa ngulemisindvo lecindzetelwe kulomugca wenkondlo lolandzelako:

'Ngingena ngelinceba, ngidle ngesutse,'

(1)

3.3 Caphuna umugca wenkondlo lapho sonkondlo asebentise sentakutsi.

(2)

3.4 Ucondze kusitjelani sonkondlo uma atsi:

'Oh! Konje nitsi tifa ngamvu yinye?'

(2)

3.5 Yini lena leyenta kutsi sonkondlo ente tintfo letingemukeleki emphilweni yakhe ngekusho kwalenkondlo? Chaza kuvakale.

(2)

3.6 Bunkondlo buni lesibutfole kulemigca lelandzelako?

'Hheyi! nine lapho
Mine sengikhatsele kunyinyitseka nginicitsa.'

(2)
[10]

UMBUTO 4 TINKONDLO LETIFUNDVWE EKLASINI**LETFWESE-**

Lombuto unemibuto lemibili, (4.1 na 4.2) khetsa munye uphendvule ngawo.

4.1 Fundza lenkondlo bese uphendvula imibuto lelandzelako.

1	Gogo ngungu yesive,
2	U yincwadzi lehamba ngetinyawo
3	U ngumtapo wetincwadzi emphilweni yetfu,
4	Emaphiko akho asifukamela sonkhe.
5	Kuwe angisiye umntfwana wesihlahla,
6	Angisiwo umlanjwana, ngingumntfwana wagogo.
7	Ngiyingati yakho ngingumntfwanakho gogo.
8	Uyadvondvolotela kepha <u>uludvondvolo lwetfu</u>
9	Uyinsimu lesiyivuna sonkhe ngekukhululeka
10	Ulibhange letfu kantsi uyinkomazi yetfu
11	Unjengesikolo kitsi, ungucedzasitunge.
12	Ungunesi, uyinyanga yetfu, usibhedlela setfu.
13	Naloku ematsambo sekaphikisana nenhlitiyo,
14	Kepha inhlitiyo yakho inguphethiloli
15	Lokuvuselelako, unyatsele ngemandla
16	Siyabonga gogo, loligugu
17	Ungumtapo loligugu etitukulwaneni!

[C. D. Masilela]

4.1.1 Bhala ngalokuphelele luhlobo lwebunkondlo lobakhiwa nguletinhlavu leticindzetelwe emgceni we-2 newe-3.

_____ (1)

4.1.2 Khipha umugca lonesifaniso lotfolakala kulenkondlo uwubhale phasi.

_____ (1)

4.1.3 Bhala umugca lotfolakala kulenkondlo lonesilinganisamcondvo.

_____ (1)

4.1.4 Usho kutsini sonkondlo ngalomugca lolandzelako?

“Emaphiko akho asifukamela sonkhe”.

_____ (2)

4.1.5 Hlobo luni lwenkondlo lolu? Chaza kuvakale.

(2)

4.1.6 Usho kutsini sonkondlo uma atsi gogo uyincwadzi lehamba ngetinyawo?

(2)

4.1.7 Chaza ngalokuvakalako lomugca lolandzelako.

“Uyincwadzi lehamba ngetinyawo“

(2)

4.1.8 Bhala tintfo letimbili lokufanele tentelwe bogogo kute bahlale baphilile.

(2)

4.1.9 Yini umlanjwana njengobe aphawula sonkondlo emgceni we-6?

(2)

4.1.10 Bunkondlo buni lobakhiwa ngumugca we-6?

(1)

4.1.11 Ngabe sihloko salenkondlo siyahambelana naloko lenkondlo lekhumala ngako? Chaza.

(2)

4.1.12 Wena ucabanga kutsi kubangelwa yini sonkondlo atsi logogo ulindvondvolo lakhe?

(2)
[20]

NOBE

4.2 Fundza lenkondlo bese uphendvula imibuto lelandzelako.

Kuhle Ketfu – O. A. Bhiya

- 1 Kusemtsimbeni lomangalisako,
- 2 Kusemgidvweni lowesabekako;
- 3 Baphekeleteli bamakoti banyukubele,
- 4 Buso betibukeli buncumile;
- 5 Bahlabelela kungatsi bakhatsele,
- 6 Makoti ucambalele tfwi!

- 7 Lomshad'uyangimangalisa!
- 8 Umlobokati wembets'iveyili yelipulango,
- 9 Umyeni wembetse letimnyama,
- 10 Bahlabeleli bambetse inyunifomu lemnyama,
- 11 Buso babo buphaphatsekile,
- 12 Imiphefumulo yab'ikhatsatekile.

- 13 Talukati atililiteli;
- 14 Emajah' awaphoseki,
- 15 Tintfomb' atigidz' indlamu,
- 16 **Bantfwana** bamel' ekudzeni,
- 17 **Bamunya** titfuph' emlonyeni,
- 18 Kungabe bayawulala badleni?
- 19 Iwil' insika yelikhaya.

- 20 Sicumbi setivakashi siyashuca,
- 21 Libandla lebafundisi liyahuba;
- 22 Bayolim' ensimini lengafulwa.
- 23 Likhaba lalensimu liyabola;
- 24 Likhaba lalensimu alibonwa.

- | | |
|----|--|
| 25 | Umbhishobh' ubusis' umlobokati, |
| 26 | Umbhishobh' ubhek' emculwini; |
| 27 | 'Lutful' elutfulin' umphefumulo kuMnikati' |
| 28 | Liyakhemetel' etibukelini. |
| 29 | Iyan' imvula yetinsizi; |
| 30 | Umtsimba wonkh' uhluKeme, |
| 31 | Umlobokati usele weneme. |
| 32 | Insimu bayifulatsela ngenjabulo, |
| 33 | Tinini tichawulana ngenjabulo, |
| 34 | Tibukeli titfwayitela ngenjabulo. |
| 35 | Sebayawusala bemkhumbula; |
| 36 | Sebayawusala batintsandzane |
| 37 | Batsandzane ngebuntsandzane. |

4.2.1 Bhala ngalokuphelele luhlobo lwebunkondlo lobakhiwa nguletinhlavu leticindzetelwe emgceni we-16 newe-17.

(1)

4.2.2 Khipha umugca lonesentakutsi lotfolakala kulenkondlo uwubhale phasi.

(1)

4.2.3 Endzimeni yesine, bhala emagama lanalobunkondlo lobulandzelako:

(a) Luchumanosicalo.

(1)

(b) Luchumanomkhatsini.

(1)

4.2.4 Ngekucabanga kwakho ngubani lona lokutsiwa uyinsika yelikhaya kulenkondlo?

(2)

4.2.5 Hlobo luni lwenkondlo lolu? Chaza kuvakale.

(2)

4.2.6 Yini intsandzane njengobe kuphawuliwe kumugca 36 na 37?

(2)

4.2.7 Sonkondlo bekakusiphi simo uma abhala lenkondlo yakhe? Chaza.

(2)

4.2.8 Bhala umugca locuketse sihabiso lotfolakala endzimeni yesihlanu.

(2)

4.2.9 Nguwuphi lomculu lokukhulunywa ngawo lapha emgceeni we- 26?

(1)

4.2.10 Yini leveyili yelipulango lakhuluma ngayo sonkondlo lapha emgceeni we- 8?

(1)

4.2.11 Bhala tintfo letimbili letibanga kutsi lomtsimba lakhuluma ngawo sonkondlo wehluleke emtsimbeni lowetayelekile.

(2)

4.2.12 Ngabe sonkondlo uphumelele yini kunika lenkondlo yakhe sihloko? Chaza.

(2)
[20]

30 emamaki

SIGABA D TAKHI NETIMISO TEKUSETJENTISWA KWELULWIMI**UMBUTO 5**

5.1 Fundza lethekesthi bese uphendvula imibuto lelandzelako.

ITHEKSTHI E**KUKHUTWE LUDLAME EMAHHOSITELA NGENGOMA**

Kusetjentiswe ingoma, umculo nemdanso kukhutsata kuhlalisana ngekuthula nekuvana emahositela, emcimbini wengoma lobewusenkundleni yetemidlalo. Umnumzane Mthembiseni Ntuli wenhlangano, "Ubunye Bemahhositela" lebeyihlele lomcimbi utsite kubulalana kwebantfu kuleminyaka lephelile kubente bafisa kwenta lokutsite kulwa nekucedza nya lomkhuba wekutsi emadvodza ahlalele kunatsana netjwala, kutsi uma asuka lapho ahambe ente lemikhuba wekubulalana. Kulesinye sikhatsi lokubanga kwekutsi labantfu babulalane ngalendlela ngukutsi likati lilala etiko kulabanye bahlali basemahhositela. Loko kubangela kutsi bantfu labanyenti labanesimilo lesihle balahlekelwe timphilo tabo ngoba neSiswati siyasho kutsi "sitja lesihle asidleli". Bantfu bakhutsatwe kutsi bangaphili njengemakati netinja.

Inhloso yalomcimbi kuhlanganisa bantfu kubuye kushunyayelwe livangeli lebuye nekuvana. Utsite kubajabulise kakhulu kuphuma kwebantfu bete kulomcimbi. Umnumzane Mkhonde yena uncome lenhlangano ngalomsebenti lomuhle nakangaka lewentile kwatise ngiyo kuphela inhlangano lenkhulu emhlabeni wonkhe jikelele.

[Simangaliso Ntshangase: 14 Lweti 2022]

5.1.1 Shano tindlela tesento letikulemisho lelandzelako:

- (a) Kusetjentiswe ingoma, umculo nemdanso kukhutsata kuhlalisana.

_____ (1)

- (b) Umnumzane Mkhonde uncome lenhlangano ngalomsebenti lomuhle.

_____ (1)

5.1.2 Hlobo luni lwetimpambosi letivetwa ngulemisho lelandzelako:

- (a) Inhloso yalomcimbi kuhlanganisa bantfu.

_____ (1)

- (b) Kubente bafisa kwenta lokutsite kulwa nekucedzisisa nya lomkhuba.

_____ (1)

5.1.3 Shano kutsi titfo tini tenkhulumo leti leticindzetelwe kulemisho lelandzelako:

(a) Inhlango **lenkhulu** emhlabeni wonkhe jikelele.

(1)

(b) Kubajabulise kakhulu **kuphuma** kwebantfu bete kulomcimbi.

(1)

5.1.4 Cala lomusho lolandzelako ngekutsi “**Kusasa**”.

Kusetjentiswe ingoma, umculo nemdanso kukhutsata kuhlalisana ngekuthula.

(2)

5.1.5 Sebentisa lesentakutsi “**nya**” emshweni wakho ungafani nalona lokuletheksthi.

(2)

5.1.6 Hlanganisa lemisho lelandzelako ibe ngumusho munye ngekusebentisa sihlanganiso lesifanele.

Bantfu babulalana kabuhlungu. Bantfu abahloniphi imphilo yalomunye.

(1)

5.1.7 Khipha bomahambisana labatfolakala kuletheksthi wakhe ngabo umusho lowehlukile kulona lokuletheksthi.

(1)

5.1.8 Sebentisa sabitonanibhanca lesitfolakala kuletheksthi wakhe ngaso umusho lowehlukile kulona lokuletheksthi.

(1)

- 5.1.9 Bhala sifinyeto saleligama lelicindzetelwe “**Mnumzane**” bese wakha umusho longafani nalona lokuletheksthi.

(1)

- 5.1.10 Sebentisa libitomfakela lelitfolakala lapha kuletheksthi wakhe ngalo umusho lowehlukile kulona lokuletheksthi.

(1)
[15]

- 5.2 5.2.1 Akha imisho ngaletaga letilandzelako ukhombise kutsi uyayati inchazelo yato:

- (a) Likati lilala etiko.

(2)

- (b) Sitja lesihle asidleli.

(2)

- 5.2.2 Caphuna imisho lesetjentiswe kuletheksthi leveta letinkhulumo letilandzelako:

- (a) Inkhulumo letsatfwa njengemaciniso ibe itsintsa imiva.

(2)

- (b) Letsatsa luhlangotsi.

(2)

5.2.3 Sebentisa libito “bantfu” libe ngumentiwangco.

(2)
[10]

5.3 Lungisa lapho konakele khona lulwimi nobe lupelomagama kulemisho lelandzelako:

kusetjentiswe ingoma, umqulo nomdanso kukhutsata kuhlalisana ngekuthula nekuvana emahositela

(5)
[5]

30 emamaki

Samba: 100 emamaki

LIKHASI LELENGETIWE (YONKHE IMIBUTO)

**KHOMBISA NGALOKUSOBALA UMBUTO LOWUPHENDVULAKO UMA USEBENTISA
LELIKHASI LELENGETIWE KUTE WONKHE UMSEBENTI WAKHO UMAKWE.**

[illegible]